

مجموعه ابو الضرب

ماسوا شایه سندن دلی تطهیره چالش
بر تو حکمت و عرفان ایله تنویره آتش

هر ماه عربی ابتدا سیله اون بشتده نشر اولنور فنون مجموعه سیدر

جزو ۴۶ [فی ۱۵ جمادی الاولی سنه ۱۳۰۲] نسخده سی ۳ غروش

حوادث مدنیہ

—•••—

کچنارده آمریقاده وفات ایدن (بیلنقس) نام مشهور مزاح نویس نیویورقده یالکز برغزته دن، هفته ده ویردیگی یارم ستون بر مقاله مزاحکا . رانه مقابلنده ۱۰۰ طولار (بهری ۲۴ بچق غروشدن) آلیرمش .

کندیسنک تأسیسکرده سی اولان [فارمه رس آلماناق] نام سالنامه دن اون سنه ظرفنده ۲۰۰۰۰۰ طولار قزانمشدر .

—•••—

آمریقاده بر شرکت طبّاعین معرفتیه یقینده - الک مشهور آمریقا رسامانی طرفندن تزیین ایدمک اوزره - آوسترالیایه متعلق بر اثر نفیس نشر اولنه جقدر . اشبو اثرک برنجی طبغنک مصرفی ۶۰ بیسک ایران عبارت بولنه جق و آیده بر جزو نشر ایدیله جکدر .

—•••—

نیویورقده کچن کانون ثانی افرنجینک اون بشنده [قان] ایله [سومر] نامنده ایکی مرتب آره سنده وقوع بولان مسابقه ترتیبیه ده قان احراز ظفر ایتمشدر .

مومی الیه درت ساعت ظرفنده ۸۰۶۲ (م) سومر ایسه مدت مذکوره ظرفنده ۷۹۵۱ (م) دیزمشدر . [۱]

مسابقه نک مکفاتی ۵۰۰ طولار ایدی . طوغریسی درت ساعت اشتغال مقابلنده گوزل بر اجرت .

—•••—

[۱] بوراده (م) میم تعبیرندن حروف ترتیبیه نک متوسطی مراد اولنمشدر .

مدینه الکتاب

حکمت یونانیه مهذ ظهور اولقانی حیثیته مقادیر پروران عربک
آئینه شهرینه (مدینه الحکما) عنوائی ویردکری معلومدر .

زمانزده ایسه اقوام غربیه نك سایه اجتهادنده اوروبانك اکثر
بلادی مداین فضل و عرفان حالی بولش و هله آلمانانك الك اوفاق شهرلنده
بیله فلاتونلری ، آرسطولری ، سقراطلری ، بقراطلری طفل سبقخوان
منزله سنه تنزیل ایده جك یوزلرله معاینی موجود دارالفنونلر تأسیس ایدلمشدر .
بومرتبه لرده تأسیسات علمییه مالک اولان آلمانانك بر شهر شهری
واردرکه آگاسلمانزده (لایزیغ) محرفی اوله رق (لیسقه) اطلاق
ایدرز . بوشهرك زجه شهرتی یالگزر سمورگی ، نافه گبی بعض فروه قیتدارك
لیسقه دن گتورلسی اعتبار یله در .

حال بوکه بوشهرك کتابخایغه نسبة کورکیلگی لوقوموتیفه نسبة
فایلو بغه نك سرعتی قیلندندر . لیسقه شهرنده بروق هاوز ، گبی ویلهلم
غرونوگی ، نوئمان گبی ، فیلیپ ره قلام گبی ، اوطواسپامه رگی ، شیلته ر
و گیزده گبی یولیوس قیلینغخارت گبی هر بری باب عالینك ایکسی ، اوچی
جسامتمده برر دار الطباعیه مالک و بیگرله ایکشر بیك آره سنده عمله
استخدام ایدر یگریمی قدر مشاهیر طباعیندن ماعدا بوشهرده ایکی یوزدن
اللییه قدر عمله طباعته مالک یوز قرق مطبعه موجوددر .

بالاده اسملرینی یازدیغز مطبعه لر اکثریت اوزره . ه لسانك
حروفی جامعدر .

بو مطبعه لر ك اکثریسنك ایسه شهرده برده کتابخانه سی واردرکه
مخصوصولات طبعه لر ی اومغازه لرده فقط کلیت اوزره صاتیلیر . یعنی کتب
متنوعه صاتان صحا فلر اومغازه لر دن یوز و یاخود بیگر اعتبار یله اشتراا ایدرلر .
لایبسیق شهرنده بری جزیرانك ، دیگری ایلولك اون بشنده بیله

ایکی دفعہ کتاب پنایری کشاد ایدیلہ رک اون بش گون امتداد ایدر . ایشتہ بو پنایرلرده یوزلرله، بیگلرله دگل، میلیونلرله کتاب آلتوب صاتیلیر .

آلمانیا، اشتوتگارد گبی، فرانقفورت ماین گبی، برلین گبی طباعتیله شهرت بولمش شهرلر وار ایسه ده آنلر لایبسیقله هج بروقت طباعتده رقابت ایدہ مزلر . اھمیتجه یکدیگرینه اولان نسبتی ایسه ترتیب اسامیسی گبی در . شایان دقت شوراسیدرکه بوگون برلین عموم آلمانیا ایمپراطورلغشک و او ایمپراطورانی یگیدن وجوده گتیرن پروسیا دولتشک پای تختی ایکن طباعتده و تعمیر آخرله وسائط علوم و معارفده لایبسیقدن سکره اوچنجی مرتبهده بولنیور .

لایبسیق ایسه ساقسونیا دولتشک ایکنجی درجهده برشهری (در . شمعی ایسه شهر مذکورده یالکز کتابخیلاره مخصوص بر) بورس تأسیس و کشاد اولغش و بناسنه بر میلیون (مارق) تقریباً بر میلیون ایکی یوز الی بیك فراق صرف ایدلمشدر .

بویله برشهره (مدنیة الکتب) عنوانی ویرمکلگمز نابجامیدر ؟

آمریقاده اوراق حوادث

آمریقاده غزته لرك نه درجهده تکر ایتش اولدیغنی آنجق ایضاحات آتیہی اعطا ایله تعریف ایدہ بیلورز :

نویورق شهرنده کچه گوندز نشر ایدلمکده اولان غزته لرك مقداری تصوّرک فوقنده در ، ۱,۳۰۰,۰۰۰ نفوسی شامل اولان مانحانان دائره سنده یگرمی اوچ عدد یومی غزته نشر ایدلمکده اولوب اک مهملری مقدار تمثیلاتلریله برابر شونلردر :

« یومیہ تمثیلات »

« غزتہ »

۱۹۰۰۰۰

ہرالد

۹۵۰۰۰۰

وورلد

۱۰۰۰۰۰

مورنینگ ژورنال

۱۰۰۰۰۰

سون

۱۶۰۰۰۰

دیل نیوز

۵۰۰۰۰

ٹائمز

۵۰۰۰۰

ٹریبون

۸۰۰۰۰

اوه نینگ تلگرام (ہرالدک علاوہ سی)

اوه نینگ پوسٹ، مایل اند اقسپرس، ستار نام غزتہ لک دخی تمثیلات
یومیہ لری ۵۰۰۰ ایلہ ۱۵۰۰۰ آرہ سندہ در .

نور بوقک واروشا لرندن معدود اولان وبری ۱۳۰۰۰۰ و دیگر
۶۰۰۰۰۰ نفوسی شامل بولنان یرسہی . سیتی و بروکلین نام محللر دہ دخی
ہر آقشام اون غزتہ نشر اولنور . نوپورق دن طقوز انگلیز میلی مسافہ دہ
بولنان و ۱۵۰۰۰۰ نفوسی شامل اولان نوارق شہرندہ درت صباح و اوج
آقشام غزتہ سی نشر ایدلمکدہ در .

۹۰۰۰۰۰ نفوسی شامل اولان فیلا دلفیا شہرندہ اون طقوز غزتہ
نشر ایدلمکدہ اولوب اک مہملری اولان (پوبلیک لڈگر) ایلہ (رقرورڈ) نام
غزتہ لک ہر برینک تمثیلات یومیہ لری ۱۰۰۰۰۰ نسخہ بی متجاوز در .

۴۲۵۰۰۰ نفوسی شامل اولان بوستون شہرندہ یومی نشر اولنور
اون بر عدد غزتہ اولوب جملہ سنک تمثیلات یومیہ سی ۲۷۵۰۰۰ نسخہ
بالغ اولمقدہ در . ۶۰۰۰۰۰ نفوسی شامل اولان شیکاگو شہرندہ اون یدی
غزتہ نشر ایدلمکدہ در . ۲۵۰۰۰۰ نفوسی حاوی بولنان سان . فرانچسکو
شہرندہ اون اوج غزتہ نشر ایدلمکدہ در .